

重修兩淮鹽法志

兩淮鹽法志卷一百九

徵權門

減釐加課

京餉恃鹽課外餉恃鹽釐而軍興以來鹽釐之重數倍於鹽課部臣因有增課分釐之議然納課例在請引之前成本不無加重完釐須待售銷之後成本可資轉輸乃議行減釐加課之法以供部餉以暫時之變通爲永遠之定額可謂權宜之至計矣志減釐加課

同治四年四月署運使李宗義稟淮南鹽務見在釐重於課每八包爲一引每引僅徵課銀九錢運庫每月約徵

收銀二萬兩分解濟餉時慮不敷當此江路肅清楚西
皖三岸銷數漸推漸廣應請每引增課三錢而於釐金
內減去三錢挹彼注茲仍於商販成本毫無增重惟完
釐在售鹽之後納課在運鹽之前亦不能不量予變通
以示體恤此項徵課銀三錢擬仍由各岸督銷局核扣
於呈繳釐金時順便解交運庫應請以改道瓜州之日
起一律加增以清界限經鹽政曾國藩批查淮南稅鹽
科則每引徵銀九錢內除外辦經費一錢八分實祇徵
正課七錢二分爲數太微當此江路暢通銷數漸旺自
應量予加增惟據議每引增課三錢核與昔年成例未

符一經入奏必干部詰查部議淮南新章文內令照從前科則減半徵收每引徵正雜課銀三兩零係連帑利等項雜款在內此時外省軍務尙未全清零餉尤急而京中各衙門帑利統計每年需銀四十餘萬兩之多非但目前萬難籌解卽將來改議徵收亦須奏請酌量裁減見在祇能先復正課咸豐元年辛亥綱係徵報部正項銀每引一兩七錢三分二釐九毫五絲五忽一微三纖九沙咸豐三年郭前運使詳請奏辦就場徵課卽援此案徵收奉部議准目前亦應先復此數另加司中經費至所加之銀應於各處鹽釐內核數勻攤不能專在

本部堂應收鹽釐項下核減致有偏枯而目前楚岸因減售價每引減釐一兩八錢安慶糧臺亦減一兩二錢甫於昨日通札飭遵未便接續議減且課分上下半年造報應自七月初一日加起俟六月間再行察看軍務有無變遷鹽銷是否暢旺由司妥議另詳以便專案具奏司中經費見增批解京餉盤川等項又戶部等衙門飯食銀兩係辦公要需不能不在經費內酌量籌解每引僅收一錢八分恐不敷用應否略增屆時一併議詳同治四年十二月戶部奏上年正月間兩江總督曾國藩以運道通暢奏請整頓兩淮鹽務聲明近年楚西等岸

每引約完釐十五兩有奇下游分濟馮子材都興阿李世忠鎮江等營軍餉上游分濟臣與官文等餉今改爲楚岸每引抽十一兩九錢八分西岸每引抽九兩四錢四分皖岸每引抽四兩四錢惟釐卡旣多課難加增請仍照咸豐七年奏案徵收經臣部議令此後軍務肅清請卽將釐卡次第刪除照舊納課奏准行知遵照在案茲查兩淮運銷數目仍祇三十餘萬引而同治三年分鹽釐據奏報上半年收銀五十萬六千餘兩錢十一萬五千餘串下半年收銀一百三十四萬三千餘兩錢十九萬一千餘串綜計三年分共收二百餘萬見在運道

較前通暢本年所收自必更有加增而馮子材都興阿李世忠鎮江等營早經裁撤無須分濟卽金陵大營兵勇亦據節次奏報分別遣散本年該督奉

命北來已將原撥僧格林沁軍營之山東山西河南每月月餉十萬及另撥江海關專款二十萬統歸該督收用卽使該督因協餉緩不濟急尙須酌提鹽釐亦毋庸二百餘萬兩之多臣部見擬將兩淮鹽釐酌量提解預濟來年京餉之不足該督等公忠體國自必深知臣部籌餉之難應請

飭令曾國藩會同李鴻章通盤察核務於來年鹽釐酌提分三

四成勻解部庫俾資接濟奉

旨依議欽此

同治五年正月鹽政曾國藩覆李鴻章咨戶部奏明酌提兩淮鹽釐三四成勻解接濟查鹽釐一項爲勦捻及留防遣散欠餉之需其山東山西河南月協本部堂大營餉銀十萬兩查河南省並未解過山西省亦久經停解山東省近來所解漸次減少上年十二月分僅解萬金是協餉亦屬有名無實此時所需巨款惟賴鹽釐爲大宗礙難查照勻撥應請於鹽課項下酌加幾成或復舊日課額將鹽課解部鹽釐留營奏明辦理

同治五年二月署鹽政李鴻章咨曾國藩准戶部咨議覆
淮鹽減釐加課一案查奏報四年鹽釐單內惟錢款項
下有解皖營軍需錢四萬六百餘千文其解安慶牙釐
局安慶糧臺銀兩係在未克金陵以前轉撥貴爵部堂
曾撫部院各營緊餉並非批解安撫營內且無八十餘
萬之多至前奏添購北鹽係因淮南場產缺乏是以暫
借北鹽並非因楚西各岸增銷引數之故又運庫經費
於咸豐七年奏准每鹽百觔令完銀一錢五分以一錢
二分作爲報撥正稅三分作爲外銷經費經部議准在
案每引六百觔應抽一錢八分係照奏案辦理並非與

原案不符已札飭運司暨督銷各局暫照前議減釐加課

同治五年二月運司丁日昌稟奉札鹽釐礙難酌分擬請減釐加課以供京餉一案查原奏內開每引加銀一兩二錢一分三釐未便加諸商販致使准本益增是各岸加課均應於所收鹽釐內分別扣解除鄂湘西三岸每引原扣釐金十一兩有零不等爲數較多應遵奏案分移各督銷局在於金陵派解鹽釐項下按數扣解外惟皖岸每引所完四卡釐金六千文合銀四兩四錢原定刊章註明專充水陸四軍之餉並非全解金陵又江甯

等七岸及儀徵一岸每引完釐三千二百文係子鹽運
到岸後始赴食岸督銷局投完所有各岸每引加課一
兩二錢一分三釐若於所完釐錢內畫扣抵解既恐有
礙各營軍需且食岸引少銷滯完繳遲速不同未能剋
期提解因查皖岸及江甯等七岸均於鹽未開江之前
先赴鹽釐局繳完揚鎮軍營釐銀一兩二錢又沙漫洲
釐銀三錢一分共一兩五錢二分此項鹽釐自揚鎮營
撤防後除每月提解京口旗綠營餉一千五百兩外餘
均解交金陵充餉所有皖岸食岸每引應扣加課銀一
兩二錢一分三釐統於鹽釐局所收一兩五錢二分內

THE NEW YORK PUBLIC LIBRARY

款由皖岸招商局核收專充水陸四軍之餉又每引完揚鎮軍營釐銀一兩二錢又沙漫洲釐銀三錢二分共一兩五錢二分此款由鹽釐局核收擬於此內每引提扣加課一兩二錢一分三釐仍餘三錢七釐留充京口旗綠軍餉等用惟須連同江甯等岸每月繳課五千引庶可敷用 江甯等七岸及儀徵一岸每引完釐錢三千二百文此款由食岸督銷局於鹽運到岸後核收又每引完揚鎮軍營釐銀一兩二錢又沙漫洲釐銀三錢二分共一兩五錢二分此款由鹽釐局於鹽未開江以前核收擬於此內按引提扣加課一兩二錢一分三釐

仍餘三錢七釐留充京口旗綠營餉等用 江甘每引
完釐六錢又完課一兩四錢二分七釐九毫八絲三忽
二共二兩二分七釐九毫八絲三忽計不敷扣 高寶
泰無釐核扣每引完課一兩三錢七分二毫八絲八忽
八微四纖五沙 天長一岸每引完釐六錢又完課一
兩四錢二分七釐九毫八絲三忽二共二兩二分七釐
九毫八絲三忽計不敷扣 靖江一岸無釐核扣按所
完浙課八百二十九兩零照泰興科則每引一兩三錢
七分二毫八絲八忽八微四纖五沙核計給運六百五
引嗣經署鹽政李鴻章批據請皖岸及江甯八岸擬加

之課在於鹽釐局所收一兩五錢二分內畫扣提撥既可剋期收庫又免遠解之勞應准照辦其江甘科則每引向完正課銀一兩三錢二分七釐九毫八絲二忽三微七纖今照綱鹽一律完納并零計算祇應加課銀四錢五釐卽符奏案一兩七錢三分二釐之數此項應卽在於所收鹽釐六錢內核扣其經費向與稅鹽不同每引祇完一錢仍循其舊天長一岸亦應照辦至高寶泰暨靖江一岸旣因附近場竈向未抽釐應悉照舊章辦理

同治五年正月署鹽政李鴻章會同兩江總督曾國藩奏

上年十二月准戶部咨奏請酌分兩淮鹽釐三四成勻
解部庫又片奏內開近年銷數既有三十餘萬引若照
部覆整頓淮南鹽務摺內每引照從前原額減半徵收
三兩有零核算卽應有百萬內外何至不敷撥解等因
當經會同籌議講求再三竊以鹽釐之重雖數倍於課
然納課例在請引之前成本不無加重完釐須待銷售
之後成本可資周轉故釐雖重而於商甚便於餉有益
卽於公家無損若正課遽請加增商情必多畏阻同治
三年十月於奏報釐課摺內覆陳俟楚岸稍暢再奏明
增課在案至今楚岸之滯銷如故戶部之撥款益繁鹽

課之外復撥鹽釐查鹽釐一項專爲接濟軍餉而設其
礙難酌分之故大端有二以收數而言近年造報較前
似屬可觀但楚西原定釐數每引抽銀十一兩有奇及
九兩有奇不等未免過重本重則價昂價昂則銷阻勢
不能不隨時酌減先因場商利薄楚西每引減釐三錢
以貼商力之不足繼因岸銷日疲鄂湘每引減釐三兩
以冀銷路之暢通是見收之數已較原定之數逐漸核
減而馮子材都興阿等營協款雖裁其江西湖南湖北
三省分用淮釐及在鹽釐內撥解彭玉麟內河水師兵
餉及九江關稅京口旗綠營餉等項款目尙繁歷入奏

報清單部中有案可稽合計則見其多分攤卽覺其少此礙難酌分者一也以用數而言金陵各營湘勇雖已陸續遣撤舊欠纍纍尙須籌補至山東山西河南每省應解臣國藩軍營月餉十萬兩查河南並未解過山西亦久經停解山東近來所解漸次減少上年十二月分僅解銀一萬兩是協餉皆屬有名無實此時所需巨款惟賴各岸鹽釐之入爲諸軍養命之源且前敵淮軍向食蘇餉者見因蘇省貨釐大減遠路費用日增亦須酌撥鹽釐稍資津貼若再分撥部餉三四成則餉源益窘誠恐貽誤軍事關繫非淺此礙難酌分者二也惟查戶

部奉撥本年京餉案內指撥兩淮鹽課三十萬兩又另撥內務府銀三萬兩照淮南見收課銀以入計出實係不敷應解通盤核算只有減釐加課以供部餉查淮南每引見收報部正課銀七錢二分爲數太微自須酌量加增但部文議照從前科則減半徵收每引徵正雜銀三兩零商力實有未逮見在祇能酌減鹽釐先復正課溯查咸豐元年辛亥綱係徵報部正課銀每引一兩七錢三分二釐九毫五絲五忽一微三纖九沙咸豐三年奏辦就場徵課卽援前案徵收經部議准定於本年三月初一日起先復此數每年約銷三十餘萬引可得課

銀五十餘萬兩除月協皖餉五千兩及例支鹽屬各員
養廉外餘擬備撥京餉即使本年指撥三十萬兩解足
之外尙有盈餘亦必令運使專款存儲報候部撥又南
鹽每引另徵運庫經費銀一錢八分係同正課奏明自
改新章後需用較繁加以每解京餉一批須另備加平
部飯盤川等項爲數頗鉅前收一錢八分不敷支用擬
酌加二錢每引收三錢八分仍歸外銷連正課並零計
算每引加銀一兩二錢一分三釐此項銀兩未便加諸
商販致使淮本益增聞粵川潞各私乘閒充斥惟有在
於楚西派解金陵鹽釐項下照數減收以實部庫而舒

商力其皖岸及江甯江甘等食岸一律減釐照加課銀數均由督銷各局按引扣解運庫分批解部另撥內務府銀三萬兩亦卽在於此項內籌解庶於中外緊餉可期兼顧再兩淮向收京內各衙門帑利雜款停徵十數年之久帑既不存利無所出況軍需之緊如此部餉之迫如彼若再紛紛奏撥帑利萬難應解仍應一概停徵俟軍務告竣鹽釐全裁再行妥酌議辦嗣於二月戶部議奏本年京餉暨內務府經費前經臣部指撥兩淮鹽課共銀三十三萬兩嗣因部庫需用較繁而兩淮三年分鹽釐共收二百餘萬其原定分濟馮子材等營早經

改龍門 裁益印果

屬不少惟內有解安徽三款共八十餘萬皖省早經肅清該撫營內本有月餉今於半年之內籠統開除如此之多是用款未經核實也至納課原不如完釐而添引應勝於加課該督前經奏明力求整頓冀復舊規又經奏明南運暢銷添購北鹽今議加課減釐而於行銷引數仍稱每年約三十餘萬且稱不加商販卽在鹽釐內由督銷局扣解運庫是徒有減釐之名仍無加課之實也又如運庫經費道光三十年每引徵一錢六分咸豐三年改爲四錢五分今稱一錢八分已與原案不符又稱擬加二錢連原徵統計每引實徵三錢八分照加課

核算按銷三十餘萬引每年加課僅二十餘萬兩而外銷則已有十餘萬引課本未加增先在釐內多添一層外銷似屬漫無限制相應請

旨飭令該督等將此項鹽釐究應如何酌減嗣後正課究應如何酌加再行通盤籌畫奏明辦理其本年鹽釐仍令分三四成解部俾資接濟至正課內除皖餉京餉並內務府經費內尙有指撥甘肅江甯等餉應令悉心妥議毋得顧此失彼其運庫經費雖係必不可省之款然少一分經費卽多一分正課應令核定數目後隨同春秋撥冊附報以防弊竇奉

旨依議欽此

同治五年三月署鹽政李鴻章奏准戶部咨議覆淮南減釐加課一摺令再通盤籌畫等因查淮南鹽釐爲勦捻前敵諸軍命脈所繫臣前接勻分鹽釐部文與曾國藩統籌兼顧再四熟商惟有減釐加課於部餉可增於商本無損於軍餉亦不致大絀上年兩淮祇解部餉銀十萬兩本年照臣等前奏辦法非但部撥三十萬及內務府三萬兩可以籌解足數但願軍情無變銷路無阻鹽課得有盈餘亦必全供京餉乃部中於外間情形未能深悉卽如覆奏內稱四年鹽釐單內有解安徽三款共

八十餘萬兩皖省早經肅清該撫營內本有月餉用款
未經核實等語查前次奏報清單惟錢款項下列解皖
營軍需錢四萬六百餘千文係分濟安徽撫臣喬松年
之餉其安慶牙釐局安慶糧臺則皆係曾國藩所設前
單所解臺局鹽釐尙係金陵未克以前經曾國藩撥放
湘楚各軍緊餉絲毫皆歸實用並非批解安撫營內又
覆奏稱運庫經費一錢八分與原案不符等語查咸豐
七年經前督臣奏明每鹽一百觔令完銀一錢五分以
一錢二分作爲報撥正稅三分作爲外銷經費經部議
准在案每引六百觔應收經費一錢八分係照奏案辦

理並非與原案不符至曾國藩遣撤各軍欠餉纍纍皆
係陸續籌補其隨征留防楚軍尙有三十餘營上年出
師時曾經添募新營見復加練馬隊購買駝駝戰馬製
造營帳及洋鎗炸礮軍火費用日增而舊有之廣東江
西湖南釐金早已歸還本省新撥之山東山西河南協
餉又均報解無期臣部淮軍自東南肅清後全調皖豫
東徐各路並未能裁撤一營路遠供繁蘇餉短絀亦不
得不稍分接濟以統年淮南鹽釐所入約計尙不敷用
上年將各岸應完之釐酌量預提並將淮北課釐勉湊
支放始克敷衍分釐解部之議目前勢有未能至加完

鹽釐前奏內聲明定於三月初一日起已通飭各局一律遵辦見催兩淮運司丁日昌趕籌課銀十萬兩儘三月內匯解進京以應戶部要需餘俟鹽課收有成數再行接續解部嗣於四月戶部議奏查金陵係三年六月間克復前奉

旨三年六月以前軍需准其免銷三年七月起軍需仍令遵例核銷該署督奏報四年鹽釐摺內原稱四年正月初一日起至六月底止隨入隨放今一經指查則稱金陵未克以前收用以應銷之款牽入免銷數內則此後各路糧臺均可紛紛效尤弊無底止且臣部前奏原因加

課既在釐內畫扣與其有名無實徒添外銷不若逕將
鹽釐酌定成數扣解部庫今該署督僅稱釐難分解加
課已飭各局遵辦究竟課如何加釐如何減外銷能否
撙節均未聲覆應再行悉心妥議臣部見因籌撥奉餉
放款更形支絀兩淮本年鹽釐縱不能按三四成解部
亦應內外兼籌酌量勻分俾資接濟其四年鹽釐單內
所開解安徽三款八十餘萬既在四年正月至六月期
內即使解歸曾國藩各營亦不當指爲金陵未克以前
收用均應令確切詳查分晰覆奏以免牽混

同治五年四月署鹽政李鴻章咨覆戶部查四年鹽釐清

單報解安慶牙釐局安慶糧臺銀兩實係四年上半年
所收鹽釐惟撥放湘楚各軍除留防新餉外有補發金
陵未克以前欠餉前奏詞意簡略未及聲敘明晰若果
有心牽混亦斷不致以四年之釐作三年之用自蹈於
虛曾爵閣部堂與敝處各臺局向來亦無此弊況臺局
支放有月日可稽印領可考其不能牽混不待智者而
知矣至詢課如何加釐如何減一節查淮南鹽課近年
每引本止收銀七錢二分見係照咸豐元年辛亥綱科
則加收每引并零計算實徵銀一兩七錢三分三釐其
減收鹽釐係於楚西各岸派解金陵糧臺項下減銀一

兩一分三釐加入正課另減二錢加入經費初次摺內業已縷晰敘明其所加之課必於釐內畫扣之故蓋緣淮南商本已重岸銷未暢川粵閩潞各私江楚遍地皆是迭經各該省督撫奏准化私爲官抽釐行銷旣不能驟堵鄰私置鄰省軍餉於不顧更不便遽增商本使眾商裹足而不前是以議行減釐加課之法以供部餉是部中所得名是鹽課實已暗分鹽釐或者謂何不卽將鹽釐扣解部庫殊不知課乃維正之供釐是權宜之計一經解部則爲永遠定額無可變通於商情旣多不便於政體亦非所宜不特此時不宜解部卽將來亦惟有

THE UNIVERSITY OF CHICAGO

解部餉銀十萬兩而本年則所撥三十萬兩已於三月閒起解十萬兩其餘二十萬兩及內務府特撥之三萬兩亦必籌解足數如再盈餘全供部撥是本署部堂於京餉要款非不審計熟籌力求分濟祇緣勦捻緊餉需用尤急見在湘淮各軍遠調東豫皖北各路軍火糗糧千里轉輸馬匹車駝百物待備旱道艱苦情形筆難覩縷供億不繼譁潰立形本署部堂忝領鹺綱兼司籌餉不能不權衡緩急顧全大局否則鹽課與鹽釐同是

國家之財能彼能此畛域何分以上各情業已兩次奏陳大概此次來文亦謂本年鹽釐不能按三四成解部是

軍餉艱鉅已蒙曲諒似毋庸再行奏爭轉失中外和衷之道

兩淮鹽法志卷一百九

兩淮鹽法志卷一百十

徵權門

裁減陸課

自咸豐二年淮運梗阻楚中督撫奏弛川潞淮北各鹽之禁抽課以濟軍其時潞私侵灌襄鄖兩郡淮北票私則由光固六霍一帶運入麻城羅田黃安黃陂孝感等縣既無水路可扼故止專收陸課同治二年江路肅清引岸漸復鄂中既收淮釐二兩四錢而陸課仍與票潞同納一收再收淮銷益滯自江鄂督臣會商奏停然後運速本輕銷路日拓蓋亦一時之要政矣志裁減陸課

同治七年正月鹽政曾國藩咨湖廣總督竊照鄂省淮鹽
售銷極滯推原致滯之由固因川私充斥徧地侵灌亦
因銀價日昂水販成本加重鹽行又多方欺勒以致販
戶裹足課餉日絀查鄂局售鹽除定價外又每百斤另
收陸課錢二百文合銀一錢二三分准鹽行銷鄂省每
引已完鄂釐二兩四錢爲數已鉅亦未便再增陸課應
裁除以輕販本至行用每百斤收銀一錢五釐係照三
分定例暫准照收其餘浮費應查明概行革除此後售
鹽均應歸局收價由行過鹽行用亦由局收局發各鹽
行祇許招接水販不准私相貿易如敢把持不遵局規

三、

文嗣改四兩二錢復酌減改爲二兩四錢減之又減是以淮鹽亦不除陸課意並無他總爲裕餉起見其實陸課應加入鄂釐之內乃爲辦理畫一茲查鄂釐每年解道不足二十萬兩陸課除鄰鹽外約計亦十萬串有奇茲奉飭裁於鄂餉益加剝削並各州縣有淮並有川潞各處分別抽收亦略爲費手惟奏定之案按兩月併入票潞各私奏報一次應請先期奏明再行通飭減裁庶免後來駁詰等情查該道所詳各節係屬實在情形此款應否裁撤抑仍舊貫或另籌他款平價裕銷之處相應據情咨商旋經鹽政曾國藩覆咨查此次裁除陸課

專爲銀價日昂鹽價日貴欲輕水販成本起見若另減他款與水販不相干涉於銷路仍無裨益昨據程道稟前項爲鄂中報部之款每年統緝私公費計之約需銀六萬兩當經劄飭卽在淮釐內照數分季解鄂以資津貼無論淮銷暢滯每年總當解足六萬之數則鄂省不失絲毫而水販得輕成本所有向徵水販之陸課必須全數裁除聞陸課一項弊竇甚大名爲每百斤抽錢二百文而鹽行藉端影射浮費甚多况隨地徵收水販節節羈阻無怪淮銷益滯應請通飭各局卡嗣後淮鹽在局領有水程凡在應銷淮引地界聽其所之無論水陸

各卡不准再抽絲毫如有需索情弊准水販指稟卽由督銷局立提嚴辦以廣銷路至督銷局月支鹽道薪水銀二百兩仍應照常支給毋庸裁除

同治七年正月湖北督銷局道員程桓生詳前奉劄飭裁陸課以輕販本並行用每百斤收銀一錢五釐正擬新年開局遵照辦理適奉兩湖督憲劄據署鹽法鄭道議詳以此款應否裁撤抑仍舊貫或另籌他款平價裕銷之處查覆飭遵職道自應守候鈞示辦理惟見因水販急待售鹽新正已屆月半業定十八日開市新章歸局設櫃收價所有裁除陸課一款卽須從開辦之日始查

淮鹽陸課一款係在鄂釐二兩四錢之外誠如鄭道所
詳揆諸情理本無一收再收之義况鄂省係淮鹽引地
與抽收川潞各私不同訪聞所收陸課一項有設局專
收者有由各鹽行包徵包解者雖定章每百斤完納二
百文而究之設局有費州縣衙門有費各鹽行亦有費
既不能以正款開銷費用卽不能不額外加收以資津
貼卽如見在新隄子店委員稟稱嘉魚所屬陸課收至
每百斤完錢四百文幾於加倍似應定議裁除惟係按
期奏報之款仰求憲臺卽行會同兩湖督憲附片入奏
其川潞各私本係侵灌淮鹽引地或分別照舊抽收陸

課應候兩湖督憲酌奪施行經鹽政曾國藩批此案前
准署湖廣總督部堂咨當經咨復陸課一項必須裁除
每年另於淮釐內津貼鄂省銀六萬兩並兩次劄飭該
局在案仰卽查照另劄遵辦其川潞各私侵銷淮界本
不能與淮鹽相提並論况淮局旣允津貼所有川潞應
完陸課更不得援照請免仍候湖廣督部堂批示飭遵
同治七年正月署湖廣總督李瀚章奏湖北徵收鹽課向
有陸課一款每百斤收錢二百文由各州縣報解以濟
餉需於咸豐七年經前督臣官文等奏明併逐年收數
均經按月奏報在案嗣長江路通淮鹽運鄂亦一律抽

收近年銀價日昂水販成本加重以致淮鹽銷售甚滯
茲准兩江督鹽臣曾國藩咨商裁撤淮鹽陸課以輕販
本臣查鄂省本淮鹽引地淮運道遠費多銷鹽一引已
完鄂釐二兩四錢若又增陸課則一收再收價值愈昂
成本愈重銷售愈難目前軍務稍鬆餉項漸可節省曾
國藩係爲裕課暢銷起見應卽將淮鹽陸課一款裁撤
其川潞各鹽仍照舊抽收以整淮綱而裕課餉奉

旨知道了欽此

同治七年二月湖廣總督李瀚章咨查陸課一款前據北
督銷局程道詳請酌裁業經本署部堂批令淮鹽陸課

欽定大清會典事例
卷一百一十一
三
一款既在鄂釐二兩四錢之外一收再收本未平允應
卽裁撤通飭遵照辦理移咨在案並附片具奏另行咨
明程道呈閱大函已在行發各文之後本署部堂查淮
鹽如能暢銷卽裁撤陸課於鄂餉並無所損北督銷局
毋庸每年再津貼六萬之數

同治七年三月湖北督銷局道員程桓生詳楚北十一府
州所屬各州縣除施南府六縣暨宜昌府屬之鶴峰長
樂二州縣例食川鹽外其餘均係行銷淮南引鹽地界
咸豐三年粵逆踞擾金陵江路梗阻商賈星散奉各大
憲奏明借食川潞鄰鹽化私爲官抽釐濟餉並於各項

鹽斤一律收取陸課每月奏報一次名曰票潞陸課所謂票者統淮南淮北之鹽與川鹽言之潞又其一也同治二年江路肅清運道暢行奉憲臺咨請將淮鹽陸課一項全數裁除以輕販本而廣銷路其川潞各鹽仍照舊抽收所以爲淮鹽計者裨益誠非淺鮮職道甫將漢局章程悉心釐定復於武穴設立分局冀以漸次招徠兼固下游門戶乃自開局以來銷市未能通暢推原其故良由私販日多引地日蹙西南荆宜各府州縣盡食川鹽漢黃之東則淮北私鹽由光固六霍一帶侵入麻城羅田黃安孝感黃陂等處肩挑車載防不勝防北則

襄陽鄖陽及德安府所屬之安陸應山隨州等州縣在
在與河南接壤潞私紛紛侵灌其經過各卡皆完陸課
而無卡之地繞漏尙多北私成本尤輕更非南鹽所能
抵敵伏思鄂省所收鹽課以川稅爲大宗其經過宜昌
則有委員掣驗核實收稅販運各處又收陸路鹽課雖
於淮鹽引地侵占不少而鄂中每年恃此接濟軍餉不
下二百萬串同爲公家之利原無畛域之分况川淮並
行業經憲臺奏明在案惟潞私所收陸課據樊城老河
口兩處卡員冊報加課之數每年僅收錢萬餘串淮鄂
各半均分淮北私鹽陸課向歸鹽道設卡徵收卑局無

冊可稽詢據鹽道所稱每月約千餘串似爲數均屬無多與其抽取零星任鄰私之參錯何如畫還引地冀官引之通行在淮鹽本有鄂釐果私絕官銷於鄂固無所虧於淮尤大有益惟禁私一事辦理實難仰懇憲臺會商將鄂省所收潞鹽與北鹽陸課一律停止並出示嚴禁以後不許販運鄂境專責成卑局行銷淮鹽其川鹽暫仍循舊辦理抑或酌量分別潞私已有加課茲再請加收陸課每斤四文使其成本增重北私逼處太近萬無淮南北並行之理自應嚴爲示禁亦如西岸之於閩粵各私則加稅浙私則禁止之如蒙俯賜酌定職道自

當一面會商北鹽道於黃麻一帶擇要設卡嚴行緝私並酌擬緝私章程呈核其樊城地方或應添設分局或另設法試辦當俟職道親赴該處察看情形再行具稟請示經鹽政曾國藩批准鹽雖減售價而銷路仍前疲滯引地日蹙商本日虧課餉日絀其故皆由鄰私日盛所致自應講求緝私爲規復引地之計刻下鄂餉以川稅爲大宗而北私潞私所收陸課爲數無多仍之則無益於鄂堵之則有益於淮淮銷果暢淮鹽本有鄂釐鄂餉必有增無減所請再加潞私陸課仍恐有名無實且敷衍目前日後重申禁令更難措手自應與北私一體

堵截北私侵南較潞私尤爲切近先在黃麻一帶擇要設卡堵緝北私之後該道親赴該處察看情形再行次第嚴堵鄂省停收陸課應俟該局將緝私事宜佈置一路就近知會停收一路之陸課庶防範周密不致因停收鄰稅而鄰私轉形充斥也

同治七年閏四月戶部咨湖廣總督查淮鹽入楚逆流挽運其陸路抽收鹽釐向未由兩淮彙報茲據署湖廣總督李瀚章奏稱接准兩江總督曾國藩咨商鄂販成本較重擬裁陸課以輕販本等語查咸豐十一年十一月前湖廣總督官文奏請將潞票鹽稅改歸楚省各屬設

立官行官卡抽收酌議水路每百斤抽錢四百文陸路
每百斤抽錢二百文嗣後楚省按月奏報武漢抽收鹽
釐數目均係票潞併計並未將陸路抽收淮釐數目分
晰剔出此次該署督所請裁撤陸課是否卽指武漢抽
收之款抑另有陸課名目應咨湖廣總督查明登覆以
資考核至稱楚省見在軍務稍鬆餉項可漸節省議將
淮鹽陸課裁撤減輕販本之處自係爲暢銷淮運起見
應先准其裁撤並將停止抽收日期專案報部以杜牽
混

同治七年六月署湖廣總督郭柏蔭奏楚岸各屬行鹽原

散雀弓 戎戎奎果

禁止卽將前設抽收北鹽陸課之處一概裁除臣伏思
從前楚岸准銷淮北票私抽課餉軍本係暫時權宜之
計見在長江路通運道無阻自應整頓淮綱改循舊章
雖議堵北私鄂省每月少數千緡之課錢然與其抽取
零星任鄰私之充斥何如規復引地冀官引之疏通當
經會同兩江督臣曾國藩批准照辦飭令設立緝私巡
卡委員認真經理一面聯銜出示勸議向販北私之人
另行改業仍責成各州縣營汛及水師礮船在於水陸
要隘分投堵緝並飭釐卡委員一面幫同稽查務使淮
南引鹽得以一律暢銷惟從前借銷淮北票鹽曾經奏

旨戶部知道欽此

准有案見仍改復向章亦應奏明辦理奉

同治七年八月署湖廣總督郭柏蔭奏楚北因髮逆踞擾
奏將票潞各私概准行銷嗣議淮北票私禁止入楚停
收陸課業經奏明在案茲查襄鄖德三府所屬各州縣
因被潞鹽侵占甚多以致淮銷仍不暢旺應將潞鹽停
收陸課與北鹽一律禁堵庶淮綱引地得以循舊行銷
惟潞鹽自經弛禁以來已歷多年今議停課禁運自應
先期酌定日期示諭該商販等周知俾免遽干拏究見
據該局會同司道詳稱擬將原設提收潞課之老河口

樊城等處總分各卡請自本年九月初一日爲始一體裁撤臣已會同兩江督臣曾國藩批准照辦飭令擇要設立巡卡委員認真辦理一面咨明陝西河南各撫臣轉飭所屬一體出示勸諭向販潞私之人另行改業並通飭鄭襄等府屬各州縣依限停收潞鹽陸課並嚴密分投堵緝務期鄰私絕迹官引暢銷以整淮綱而復引地奉

旨戶部知道欽此

兩淮鹽法志卷一百十

兩淮鹽法志卷一百十一

徵權門

扣借預釐

定環章時每引皆繳預釐近年籌餉備公令商於應繳預釐之外另再預繳仍分綱分年陸續扣抵於商本無所增而一時海防要需

慶典大禮皆倉猝取給其法莫良焉舉夫岸商之糾綱分食商之請減認高寶之邀免派權之度之底於至當皆後事之師也志扣借預釐

光緒十年七月鹽政曾國荃札現以法艦狍狂添募新營

籌備各省援軍行糧協餉用款日增雖經奏請加抽川
釐設局需時緩不濟急因思鄰省商販業令輸將協助
淮南運商自定循環以後世守鹺業以本境之商助本
境之餉尤屬義不容辭理亦無可推諉惟近年淮鹺獲
利遠不如前數年之厚不能不曲加體諒且從前歷次
捐輸爲數實已不少欲求有裨軍餉而無礙商情之策
舍諭令綱食各商預繳釐金別無良法查前定預釐章
程鄂湘兩岸每引預繳釐銀一兩西岸每引預繳銀二
兩皖食各岸向不預繳釐金現值軍餉萬緊綱食各岸
獲利之微銀源之窘大率相同無甚等次可分應令一

律辦理查鄂湘西皖共認五十六萬三千七百六十引
江甯等八岸江甘等五岸共認三萬二千八百四十八
引應令各商於本綱應完釐金預釐外另再每引預繳
釐銀一兩自八月初一日起以兩箇月爲一限分作六
箇月繳清綱鹽分四綱食鹽分兩年自下綱下年起按
數扣抵由本爵部堂刊刻空白收照發交運司轉發淮
南總局隨收隨給俾各商執持以便呈驗存抵下綱下
年之釐外刊執照發給每票商人各一紙俾各票商執
爲永業其食岸係屬專認每岸頒發一紙於公家目前
要需藉資其力而於商人日後資本並無所虧並不另

外加捐如此辦法尙屬兩全之術

附照式

銜

爲

給發收照事照得江防戒嚴 奏明購置礮位軍火需款甚鉅議向淮南綱食各商除完本綱應完釐金預釐外另再每引預繳釐銀一兩分限六箇月繳清綱鹽分四綱食鹽分兩年自下綱下年起按照扣抵札司諭商遵辦在案茲據 岸商人 呈繳釐銀 兩合 引如數收訖合給收照爲此照給該商收執俟下綱運鹽到岸准其持赴督銷局抵完釐金以昭信守須至執照者

右照給商人

准此

光緒 年 月 日給

督鹽部堂

銜

爲

給發執照事照得淮南綱食各商自定循環轉運章程
世守鹺業本無他虞惟各商因無憑據在手不免游移
茲本爵部堂飭令於應完釐金預釐外另再每引預繳
釐金一兩以充緊餉念其急公誼另刊執照發給俾各
商執爲永業茲據 岸商人 呈繳釐金 兩合
引除收訖外合行給照爲此照給該商收執永遠承運

如遇更換花名並准呈繳換給須至執照者

右照給商人

准此

光緒 年 月 日給

督鹽部堂

光緒十年九月運司張富年擬綱食各商呈繳預釐收銀
給照事宜 一執照應憑環咨給發也見在奉發執照
爲各商世守之據必須查明實係辦運本商方准給執
若僅憑預釐收照填發恐有合本夥辦明晰未清等事
將來難免爭執致啟爭端所有此項執照應請自各岸
抵繳釐金綱分起各商投到環咨由局核明填給以昭

核實而杜朦領至食岸係屬專商俟預釐繳清卽行填給一繳銀在岸在揚聽商自便應分別核給收照也各商辦運在揚而售鹽課資均皆在岸應聽各商自便其在揚呈繳者由淮南總局隨時填給收照在岸呈繳者由各岸督銷局先給局收蓋用關防仍按照各岸領咨限期由各商持票來揚依限換給收照以便將各岸所給局收隨時送還塗銷至食岸釐金內有江甘天長三岸奉准每引收銀六錢原發收照係按各岸釐金刊明每引收銀一兩此時填給擬請加蓋戳記註明某岸繳銀六錢字樣毋庸另請刊發一繳銀應恪遵定限

不得遲逾也此項預釐既據各商呈明情願於十月內
呈繳六成來年三月一律繳清自必踴躍急公不致遲
逾惟其中有一二票小商既無鹽在岸復無鹽在揚難
免不託辭延宕應由司及各督銷局出示曉諭一俟屆
限截數卽由督銷局將各商已繳花名銀數開單移司
飭知淮南總局核對如初限過期查有在岸在揚均未
呈繳之商則是有心遲逾應查取的保責令代繳卽將
此票由代繳之保商代運無保商者扣運一次二限誤
期照辦初二兩限均不遵繳卽予註銷 一平色應各
照各岸收解以便扣抵也各岸課銀平色不一應悉照

各岸原定平色收繳以便將來各歸各岸扣抵平色仍歸一律在岸呈繳之銀由督銷局逕解金陵支應局兌收在揚繳者由淮南總局註明某岸釐銀分別批解其食岸釐金向係在揚呈繳平色仍照向章辦理

光緒十年十一月江西督銷局張岳齡呈局收式

江西督銷淮鹽總局

爲

給發收票事照得見因海防喫緊需餉孔殷奉

督鹽憲飭令各商於本綱應完釐金預釐外另再每引預繳釐銀一兩分作兩限呈繳在岸在揚聽商自便本年十月先繳六成其餘四成來年三月一律繳清等因

在案今據商人

的名

以原認

呈繳六成預釐庫平銀

到局除彙解濟餉外合行給發收票仰該商持赴揚州
呈請 淮南總局換給收照祇領須至收票者

右票給商人

收執

光緒十年十月

日給

西字第

號商人

繳銀

今據商人

的名

以原

認

呈繳六成預釐庫平銀

除彙案批解並裁首幅給商收執持赴

淮南總局換給收照祇領外存此根票備查

光緒十年十月

日

光緒十一年二月署運司程桓生詳准食岸督銷局咨送
光緒十年下半年收解鹽釐數目開單咨煩彙核造報
查核來單該局將經收上江六浦四岸商人呈繳初二
限預釐銀五千五百兩並列在內查前項預繳釐銀係
奉准以江防需款札令各商於本綱應完釐金預釐之
外另再預繳之款仍須分綱分年陸續扣抵一經列冊
竊恐日後款目糾纏擬請查照各岸向來造報成式將
此項江防預釐銀兩畫出歸入各半年收解數內開報

並無庸提明預繳扣抵等字樣以免部詰至收解扣抵各細數應由各督銷局暨淮南總局按半年另開清摺報司彙轉以昭核實五月支應局石楷報銷局孫傳樾會詳查江蘇留防報銷案內造報收款向憑各局所冊報司關道局解到實收數目列收報部歷經辦理在案今前項預釐係因防務喫緊諭令各岸商於本綱應完釐金預釐外另再預繳之款截至十年底止先後解繳銀二十五萬六百餘兩均經防營支應局歸入正餉冊內列收支放自應照數入收造報庶昭核實查運司衙門係爲辦理按半年一次奏報清單截清造報起見惟

此項預繳釐銀綱鹽須分四綱食鹽應分兩年自下綱
下年起始行陸續扣抵爲日較長數目甚鉅而支應局
所收銀兩業經歸入正餉冊內統收統支留防報銷案
內自不能不按數列收報部若如兩淮運司所議俟歸
入各該半年奏報清單時再行扣抵開報殊與留防報
銷收款大有窒礙經鹽政曾國荃批此項預釐旣歸支
應局統收統支報銷局自應照數開報仍毋庸提明綱
分及預釐字樣以符部案

謹按以上江防扣借預釐

光緒十四年十一月鹽政曾國荃札運司督銷局見准直

隸爵閣督部堂李函開

萬壽山工程用款不敷各省共集銀二百萬兩存儲生息
以備分年修理等因伏查

萬壽山大報恩延壽寺爲將來

慈聖六旬祝嘏之所事關

慶典自宜敬慎籌備從前乾隆年間兩淮鹽商報捐巨款至今
傳爲盛事本部堂擬仿海防之案酌借預釐三十萬兩
查鄂湘西皖四岸共認五十六萬三千七百六十引江
甯江甘等食岸共認三萬二千八百四十八引每引借
預釐五錢共計借銀二十九萬八千三百四兩再由海

分司庫提銀一千六百九十六兩共湊銀三十萬兩自
光緒十五年正月初一日起由四岸督銷局售一引鹽
扣借銀五錢如甲綱扣借於乙綱扣還乙綱扣借於丙
綱扣還食岸按季隨課每引借繳五錢均以扣足認定
額數爲度分兩年繳清兩年還款仰卽迅飭各運商遵
照辦理勿違

光緒十五年正月運使福裕詳據鄂湘西皖四岸運商稟
按引扣借釐銀懇請詳定綱分以清起訖等情卽經飭
交淮南總局詳議具復茲據該局詳稱查四岸運商所
稟甲綱售鹽時按引扣借卽於乙綱應繳釐金內按引

扣還又稱鄂湘皖三岸請派定在兩綱內一律扣齊卽
至此兩綱環運一律還清西岸請派定三綱內一律扣
齊卽至此三綱環運一律還清等語核與原札甲綱扣
借乙綱扣還乙綱扣借丙綱扣還之議相合應請毋庸
置議至該商等所稱請俟見在輪售之綱售竣後由下
綱第一票開售扣起及同辦一綱之鹽先售者卽須至
環運再扣後售者轉令其扣借在先而一綱之票有扣
有未扣等語查原札本云均以扣足認定額數爲度斷
無有扣有未扣之事且自光緒十五年正月初一日扣
起則是到岸待售之鹽皆在應行扣借之列非指尙未

開綱辦運之引而言也若謂一綱之鹽或有已售未售之分查未經來揚投咨之票卽是在岸未售之引如鄂岸癸未春綱環咨一票未投是壬午春綱一票尙未售賣擬請自光緒十五年正月初一日起售賣壬春之鹽一引卽扣借釐銀五錢售賣壬秋之鹽照辦將來卽於癸未春秋兩綱賣鹽請咨時扣還湘西皖三岸仿照辦理其間如有十四年內已售數票者擬請由督銷局立限飭令該綱已售之票照數補繳並據開具各岸扣借扣還綱分清摺具文詳復前來本司復查該局所議扣借扣還綱分核與憲札相符亦於商情相洽而於綱分

亦無虞參差似應俯如所請經鹽政曾國荃批此案前
因各岸綱分參差不齊是以特定自十五年正月初一
日起扣各督銷局祇須按票扣借不必糾纏綱分辦理
極爲簡捷乃運商以有甲綱乙綱之語遂請按綱分扣
其意重在未到開售之鹽可以緩扣一二月銖錙必較
以至極易之事轉若難辦殊不知札內所稱甲綱乙綱
者不過分別上綱下綱而已非令截齊綱分也前據各
督銷局紛紛轉稟均經駁斥今淮南總局頗知商稟之
不合而所擬辦法於岸上情形恐未必能鍼孔相符仍
應按票爲主斷不致有虞歧誤仰候飛飭各督銷局懍

遵原札辦理以歸畫一

光緒十五年二月運司福裕詳奉札以

萬壽山工程用款不敷飭借淮商預釐等因奉經分別飭遵茲據江甘五岸商人豐同豫稟稱江甘定額一萬三千引天長定額三千五百引原額每引完釐六錢前因海防需費酌借預釐票食各岸統奉派銀一兩當經前商具稟請照原釐六錢預繳並將高寶無釐緣由聲請邀免稟經分別減免在案此次各岸每引奉派預繳五錢係照前次一兩減半所有江甘天長三岸似應亦照六錢減半分繳共應繳銀四千九百五十兩按江甘天

長三岸引額分作兩年均攤應於請運時每引借繳一錢五分隨課並納俟照額繳足後卽於原定釐銀六錢內每引扣繳一錢五分扣清爲止以符兩年繳清還清之限此外高寶泰興三岸科則相同向於完納正課之外並無另加釐銀是以上屆預釐案內均未入派應請照案一併剔除等情卽經飭據淮南總局覆稱江甘天長三岸每引原繳釐銀六錢高寶兩岸向係無釐上屆海防需費票食各岸每引飭繳預釐一兩曾據該岸前商儲豐裕具稟江甘天長三岸請照原釐六錢預繳高寶無釐剔除免派經前司批准在案此次

萬壽山工程用款不敷奉飭各岸每引派繳預釐五錢該岸商所請援照上屆海防預借釐銀之案江甘天長三岸照原釐六錢減半認繳三錢高寶兩岸無釐仍請剔除等情核案尙屬相符本司查江甘天長三岸請照上屆海防預借釐銀之案減半認繳每引釐銀三錢高寶兩岸向不完釐仍請剔除既經該局核案相符似應准予分別減免所有江甘天長減繳四成銀三千三百兩高寶免繳銀一千七百五十兩二共減免銀五千五十兩應仍由海分司補足以符三十萬兩定數經鹽政曾國荃批高寶兩岸既據查明向不完釐將來無可扣還

准其免繳銀一千七百五十兩候飭海分司照數補解
至江甘天長三岸係屬借繳於商本不致有虧應仍照
繳不准藉詞延誤

光緒十五年四月運使福裕詳奉憲臺轉行籌備海軍要
需案內飭照海防成案酌借淮商預釐銀三十萬兩內
除由海分司庫提銀三千四百四十六兩外淮南綱食
各岸每引借預釐銀五錢共計借銀二十九萬六千五
百五十四兩分綱每年扣抵札司諭商遵辦查此項預
借釐銀雖仿海防成案核收而款已解京與外辦之海
防究屬不同所有本司衙門上下半年造報應否將前

項收解各數據實列入正冊以免將來報部糾葛伏候
示遵經鹽政曾國荃批此項預借釐銀業經奏明此時
毋庸列入造報正冊俟將來歸還時再行酌核辦理
謹按以上海軍扣借預釐

兩淮鹽法志卷一百十一